

U PRISEPIU VIVENTI

DOPU TANT'ANNI DI EDIZIONI  
CONGRATULAZIONI PA RAPPRISINTAZIONI  
DU PRISEPIU VIVENTI  
CHI CUMINCIAU CU NENTI  
NTA STU PAISI RIDENTI  
PI VULIRI DILL'ASSOCIAZIONE GIOVANNA D'ARCO ALL'URA NASCENTI  
CU GIOVANNI QUARTARONE COMU PRESIDENTI.

PATTIU I NTA CHIAZZA  
CU NNA PARA I GIUVINI AITANTI  
QUATTRO PICCIOTTI APSIRANTI;  
MA L'ILLUSTRI FAMMIGGHIA DU NUTARU ARRIGO  
I PIGGHIAU IN SIMPATIA  
A STI FIGGHIOLI DA CASTANIA  
E I CANCEDDI DA VILLA COSTARELLI  
IAPRIU NTA NOTA VIA.

CA SERRA IN MANU, TAVULU E CCHIOVA,  
MATTEDDU E RASTREDDU, PROVA E RIPROVA,  
UN GRUPPO I CRISTIANI DI BBONA VALIA  
CU MARCELLO ESPRO A CAPO DA REGIA  
COSTRUIU I CAPANNI CU ATTONNU L'AMMACIA;  
DIVIDENNU TUTTU IN SETTORI  
CRIANNU PURU A STANZA PI DOTTORI  
PA SERENITA' DI VISITATORI.

FORA DU CANCEDDU CU TANTA ALLIGRIA  
POPCORN E PATATINI  
NTE MANI DI BAMBINI,  
MA NTRASENNU INTRA STA STANZA  
TAVULI APETTI, FOCU DDUMATU  
E U PANI CAUDDU CU L'OGGHIU CUNSATU.  
E PPA COMUNI SALVEZZA  
VANNU AVANTI E ARRETI CHIDDI DA SICUREZZA  
E SI FA NTRASIRI E CINQU E NMEZZA.  
FINAMMENTI SI IAPRI U SIPARIU  
E AVANTI ALL'OCCHI NU BEDDU SCINARIU.

PASSANNU I SUPRA U PONTI, DDA ROTA GIRIARI  
L'ACQUA IN CODDU TI FA RRIVARI  
E' L'ACQUA DU MULINU  
E CCA' CUMENCIA U PRIMU INCHINU  
E A PENA NNI VALI  
SEMU NTA ZONA ARTIGIANALI.  
A MANU RITTA OMINI E FIMMINI  
MPASTANNU E NFUNNANNU PANI E FOCACCINI  
CA TRIZZA NTA TESTA  
U METTUNU NTA CESTA  
E A FINI SIRATA NU DUGNUNU, UN PESSU A TESTA.

A MANU MANCA I FIMMINI I CASA CU FFARI AMURUSU  
FANNU I MACCARRUNI CU PUTTUSU.  
SCINNENNU, I COFANARA,  
U REGNU DA BB'ONANIMA I DON GIUVANNINU CHI PANARA.  
DU UN LATU I VASARI CHI DECORATRICI  
E DILL'AUTRU I RICAMATRICI  
CONFINANTI CHI LAVURANTI  
CHI CA RAFIA, DI COSI NI FANNU TANTI;  
E ANCORA ACCANTU, I SPISIDDI DU FIRRARU  
CU A LATU U SOMARU  
E SEMPRI NTA SCINNUTA A PUTIA DA CUOERIA  
A UNNI SI SEVVI TUTTA GINDARMERIA.  
APPRESSU CI SUNNU IAUTRI RICAMATRICI  
CHI SI VADDUNU I FACCI CHI TESSITRICI.

CCA' SI CHIUDI A PRIMA TRAVESSA E  
U FETU DI CANNILI FA BATTIRI ARRUESSA  
MA C'E' A TENDA DI RE MAGI CHI MANCIUNU E DOMMUNU  
SPITTANNU MI SI FA GHIONNU.  
E CCHIU' SI VA AVANTI  
E CCHIU' A MUSICA SI FA ECCITATNI  
CHI DANZATRICI CHI VELI VOLANTI  
E CU ERODE CHI TOCCA, MANCIA E SI BAVIA,  
MATRI CHI BRUTTA MANIA.  
ACCANTO A STA CASA PEVVESSA  
CI NN'E' N'AUTRA CHIU PESSA:  
E' U REGNU DI ROMANI  
CU DDI BICCHIERI CHINI SEMPRI NTE MANI  
E A DDI BALLARINI CI FANNU NCHIESTRI E MOINI  
COMU A TANTI BABBUINI.  
NTA STU VIZIOSO BACCANU  
S'INTRAVIDI U DIAVULU DI LUNTANU.

NCHIANANNU E NISCENNU DA CUVVA  
MBRIACUNI E BALLERINI BALLUNU A RUMBA  
E ARRETI I BANCARELLI  
BANNIUNU A FRUTTA  
O SONU DI TAMBURELLI.  
VICINO A CHIESA, A MAGA CA PALLA LEGGI U DISTINU  
MENTRI U SACERDOTI FA BUCI E CASINU.  
RRUANNU NTE SCALI  
SI CUMENCIA A SENTIRI A MUSICA I NATALE  
E NTA NCHIANATA NA CASATA I CRISTIANI  
CU FUNNU SEMPRI APETTU  
I BIMBI ACCANTU O FOCU  
CHI MANCIUNU E PENSANU O GIOCU  
E I SO MATRI SPINSIRATI  
O BRACERI SUNNU SSITTATI.  
E' A ZONA PASTORALI  
A UNNI SI SENTI SULU BELARI ;  
I RECINTI SUNNU CHINI DI PECURI E MAIALI  
E U CIAURU DA RICOTTA  
ARRIVA FINO A GROTTA

A UNNI U BOI E L'ASINELLO  
CI FANNU CALURI O BAMBINELLU  
CHI DI SUPRA IAVI L'ANCIULEDDI  
CHI SUNNU I SO' CUSTODI  
E CCI CANTUNU L'INNI E LODI.  
GIUSEPPE E' CCU MARIA  
DDA I LATU CHI BALIA .  
NA STIDDA STA PASSANNU  
NU RAGGIU I LUCI STA LASSANNU  
E' A LUCI DU SIGNURI  
CHI NI POTTA A TUTTI  
PACI, GIOIA E TANTU AMURI.

MARIELLA SMEDILE